

棗陽縣志卷二十二

者舊

漢

劉雋章陵人受經於太尉劉寬能卒其業爲及門所推許寬歿門人追思師訓立碑於墓雋爲之倡

劉訢章陵郡人爲五官掾延熹六年桐柏淮源廟成訢以南陽守躬祠淮廟事

樂茂蔡陽人官主簿延熹中郡人劉訢躬祠淮廟茂分理其事載桐柏淮源廟碑記

棗陽縣志

卷二十二

者舊

一

錢訢章陵人爲廩犧令漢故中常侍州輔碑陰題名

何顛字伯求南陽襄鄉人也少遊學洛陽伯求雖後進爲郭泰賈彪所聲稱陳蕃李膺亦皆與之善由是名顯太學友人虞偉高有父讐未報病篤伯求往候之偉高泣訴伯求感其義爲復讐以頭醜其墓陳李之敗伯求與蕃膺俱爲宦官所陷乃變姓名亡匿汝南間所至親其豪傑袁紹慕之私與往來結爲奔走之友

謝該字文儀南陽章陵人也善明春秋左氏爲世名儒門徒數百千人建安中河東人樂詳條左氏疑滯數十事以問該

皆爲通解之名爲謝氏釋行於世仕爲公車司馬令拜議郎  
鄧義章陵人建安初爲荊州牧劉表治中時天子都許表雖  
遣使貢獻然北與袁紹相結義力諫表曰內不失貢職外不  
背盟主此天下大義也治中獨何怪乎義以其言不見聽辭  
疾而退終表之世不仕後隨劉琮入許官侍中

宋忠

一作袁

字仲子南陽章陵人爲荊州牧劉表五業從事表

以州界羣寇旣盡乃起立學校博求儒術使忠及蔡母闈等  
撰立五經章句謂之後定書成表嘉之後隨琮降操操以忠  
爲侍中與鄭元齊名時謂北海鄭元南陽宋忠所著有世本  
棗陽縣志

卷二十二

耆舊

二

四卷注有周易十卷揚子法言十三卷揚子太元經九卷

宋

孟宗政字德夫其先絳州人祖安嘗隸武穆王岳飛軍立戰  
功父林從軍至隨州棗陽遂家焉宗政少雄偉有膽畧開禧  
二年金人犯襄郢宗政率義士據險要擊奪其輜重宣撫吳  
獵奇之補承節郎趙方吳柔勝皆薦其才轉京西鈐轄駐劄  
襄陽嘉定十年金人寇襄陽宗政與扈再興陳祥蹠血以戰  
金兵敗走尋報棗陽圍急宗政午發峴首遲明抵城馳笑如  
神金人駭遁趙方大喜令權知棗陽軍初視事一僕犯令立

斬之軍民股栗築堤積水修治城堞簡閱軍士十一年完顏  
賽不率步騎圍城宗政與扈再興合兵拒守歷三月大小七  
十餘戰身先士卒金人戰輒敗忿甚盛兵薄城宗政隨方力  
拒適隨守許國援師至白水鼓聲相聞宗政率諸將出戰金  
人奔潰賜金帶轉武德郎十二年金帥完顏訛可復擁步卒  
來攻宗政囊糠盛沙以覆樓棚列甕澗水以防火募斲手擊  
之一礮輒殺數人金人選精騎二千號弩手擁雲梯大橋  
先登又募鑿銀礦石工晝夜陷城運茅葦直抵圍樓下欲焚  
樓宗政先燬樓掘深坑防地道創戰棚防城潰穿甕才透卽

施毒烟烈火鼓鞞以薰之金人窒以溼氈析路以剝土城頽  
樓陷宗政撤樓益薪架火山以絕其路列勇士以長鎗勁弩  
備其衝距樓陷所數丈築偃月城袤百餘尺翼傅正城金人  
揮強兵披厚鎧氈衫鐵面而前又溼氈濡革蒙火山覆以冰  
雪擁雲梯徑抵西北圍樓登城城中軍以長戈搯其喉殺之  
敢勇軍自下夾擊金兵墜死燎焰相持數月會扈再興自唐  
鄧還攻金人宗政自城中出擊內外合勢士氣大振賈勇人  
金營自晡至夜半殺傷殆盡奪印十有六紐訛可棄帳走獲  
輜重牛馬萬計升武功大夫兼閣門宣贊舍人十三年金兵

迫湖陽制置司檄宗政圖之一鼓而拔擒其千戶趙興兒燔積聚填營寨俘掠以歸金人自是不敢復窺襄陽棗陽尋代許國爲荆鄂都統制仍知棗陽軍事宗政以敵屢迫濠而陳乃於西北濠外濬水爲濠以限敵騎中原之民來歸者不可勝紀皆發廩以贍創屋與居籍其壯勇二萬餘人號忠順軍俾出沒唐鄧間由是威震境外金人呼爲孟爺爺轉右武大夫團練防禦使以病疽卒邊人痛哭罷市三日子四人長環理宗朝累官至湖北安撫副使嘉熙元年元兵渡萬州湖灘施夔震動環調金鐸一軍迎拒於歸州大壘砦得捷於邑東

棗陽縣志

卷二十二

耆舊

四

遂復夔州其練習兵事時以爲有父風云

孟珙字璞玉宗政次子嘉定十年金人犯襄陽駐團山宗政禦之珙料其必攻樊城獻策由羅家渡濟河翼日諸軍臨渡布陣金兵果至半渡伏發殲其眾時棗陽圍急宗政星夜往援臨陣父子相失珙望敵騎中有素袍白馬者曰必吾父也急麾騎突陣遂脫宗政十二年完顏訛可率步騎二十萬攻棗陽宗政命珙取閒道劫金營破砦十八斬首千餘級大俘軍器以歸制置使趙方奇之辟光化尉轉京西第五副將初宗政招唐鄧蔡壯士二萬餘人號忠順軍命江海總之眾不

安制置使以珙代海、眾乃帖服。紹定元年，珙創平堰於棗陽，自城至軍西十八里，由八疊河，經漸水側，跨九阜，建通天槽，八十有三丈，溉田十萬畝，立十莊三轄，使軍民分屯。是歲收穀十萬石，又命忠順軍家自蓄馬，官給芻粟，馬益蕃息。五年，升京西兵馬鈐轄。六年，元將追金王守緒，逼蔡，朝命檄珙討金唐鄧行省武仙。時次於順陽，與唐州守將武天錫、鄧州守將移刺瑗犯光化，軍鋒甚銳。珙往逼天錫壘，一鼓拔之，斬天錫，俘其將士，得戶十三萬有奇。武仙敗走，馬蹬山獲其輜重，畜牲不可勝計。金守將多以城降，移刺瑗遣使請降，珙納之。

棗陽縣志

卷二十二

耆舊

五

爲易衣冠，以賓禮見。於是降者相繼，珙因其鄉土而使之耕，因其人民而立之長，少壯者籍爲軍，才能者分以土地，任以職事。七月，武仙愛將劉儀領壯士二百降，珙問仙虛實，儀言仙所據九砦，其大砦石穴山，以馬蹬沙窩、岵山三砦蔽其前，若破離金砦，則岵山沙窩孤立，而石穴亦可圖矣。珙乃遣兵攻離金，盧秀執黑旗率眾入，大呼縱火，掩殺幾盡。是夜壯士楊貴等擣王子山砦，護帳軍酣寢，王建入帳中，斬金將小元帥首，遂圍馬蹬，遣樊文彬攻其前門，成明等邀截西路，砦火燭天，殺戮山積，逸去者復爲成明伏軍所得，師還至沙窩西。

與金人遇、復大捷、未幾、丁順又破默侯里砦、珙召儀曰、此砦既破、板橋石穴必震、汝能爲我招之乎、儀請選婦人三百、僞逃歸、懷招安榜以往、招降金將及金軍五千人、珙料武仙必登岵山窺伺、乃令樊文彬駐軍其下、已而仙眾果登山、及半、文彬麾旗、伏兵四起、仙眾失措、枕籍崖谷、山爲之赭、殺其將兀沙惹、薄暮、珙進軍至小水河、劉儀還言、仙謀往商州、然老穉不願北去、珙曰、進兵不可緩、夜漏十刻、召文彬等受方畧、辱食啓行、時積雨未霽、文彬患之、珙曰、此雪夜擒吳元濟時也、策馬直至石穴、分兵進攻、自寅至巳、九砦俱破、仙走、追及

於鮎魚砦、仙望見、易服而遁、降其眾七萬、獲甲兵無算、還軍襄陽、轉鄂州、江陵都統制、元遣宣撫王楫、約共攻蔡、制置使謀於珙、珙請以二萬人往、奔盞喜、約爲兄弟、金人自東門出戰、珙遮其歸路、掩入汝河、擒其偏裨八十七人、進逼石橋、奪柴潭樓、蔡人恃潭爲固、外卽汝河、潭高於河五六丈、相傳下有龍、人不敢近、珙激勵將士決之、實以薪葦、遂濟師、攻城下、令諸軍銜枚列雲梯、聞鼓則進、萬眾競登、戰於城上、降其丞相、等官、開西門、招奔盞入、金主已自經殂、珙與奔盞共分其骨、振旅而歸、留屯襄陽、兼忠義軍都統制、頃招中原精銳之

士萬五千人、分屯以備元、名鎮北軍、端平二年、移屯黃州、上問恢復、對曰、願陛下寬民力、蓄人才、以俟機會、問和議、對曰、臣介冑之士、當言戰、不當言和、至黃、增陴浚隍、蒐訪軍實、民來歸者、厚加賑貸、三年、元將寇襄陽、荆隨郢復陷、江陵危急、珙受檄應援、先遣張順渡江、自以全師繼之、竟破元二十四砦、嘉熙元年、封隨縣男、擢中州團練使、兼知江陵、二年、加京湖制置使、受詔收復荆襄、珙謂必得郢然後可以通餽餉、得荆門然後可以出奇兵、遂召諸將指授方畧、發兵深入、所至以捷聞、是年復郢州荆門、三年復信陽軍、遂復襄陽、十二月

元遣大將塔海并雪帥師入蜀、號八十萬、珙遣將分屯、設策備禦、遂復夔州、四年、拜寧武軍節度、四川宣撫使、兼京湖安撫制置使、至鎮、招集散民爲寧武軍、釐蜀政之弊爲五條、班諸郡縣、淳祐二年、蒙古復寇蜀、珙分兵禦之、下令飭戍、主兵官不許失棄寸土、權開州梁棟以乏糧還、珙曰、是棄城也、斬以徇、由是諸將稟命維謹、拜檢校少保、進封漢東郡公、五年、移鎮江陵、登城嘆曰、江陵所恃三海、今變爲桑田、自城以東、直至三汊、無所限隔、敵一鳴鞭、可至城外、乃修復內隘、十有一、別作十隘於外、漳水舊自城西入江、因障而東之、俾繞城

北入於漢、三海遂通爲一、隨高下爲蓄泄、三百里間、渺然巨浸、遂爲江陵天險、土木之工百七十萬、民不知役、繪圖上之、乞歸不允、六年、薨於江陵府治、時九月戊午也、其前夕、大星隕於境內、聲如雷、大風發、屋折木、帝震悼、輟朝、贈太師、追封吉國公、謚忠襄、廟曰威愛、珙生平忠君體國之念、賁金石、在軍中、與參佐部曲言事、意有不合、徐以片言折衷、眾志皆愜、謁士遊客、老校退卒、一以恩意撫接、建旗鼓、臨將吏、面色凜然、無敢涕唾者、退則掃地焚香、隱几危坐、若蕭然事外、遠貨色、絕滋味、遂於易六十四卦、各繫四句、各警心易贊、三弟瑛、

棗陽縣志

卷二十一

耆舊

八

季弟璋、皆任兵官、嘉熙元年、元兵欲大舉臨江、珙策其必道、施黔以窺湖湘、使瑛以精兵五千駐松滋、爲夔萬聲援、又招集沿淮經戰之士、得數萬人、號武寧軍、使璋領之、增置營壘、分布戰艦、出精兵駐澧州、防施黔路、夔州之復、瑛璋均與有力焉、子之經、任策應都統、兼知江陵事、節錄宋史本傳

接孟珙一號無菴、任荆湖制帥、創書院以處襄漢流寓之士、每日見客、雖數十百人、一一接談、凡有投獻、並入袖中、客退、以所受投獻之書、令館客逐一朗讀、而諦聽之、可行者付出、不可行者贖之行囊、嘗自作無菴贊云、老拙愛遊



戲忙裏放癡憨、正當任麼時、無處見無菴、混沌菴之基、太  
樸菴之梁、太始菴之柱、太極菴之坊、兩儀菴之戶、三才菴  
之房、四象菴之壁、八卦菴之牕、白雲菴之頂、清風菴之牆、  
誰人運斤斧、大匠曰羲皇、明月爲伴侶、萬古其如常、欲知  
吾富貴、秋水接天長、水雲不到處、一片玉壺光、臨終又誦  
曰、有生必有滅、無菴無可說、踢倒玉崑崙、夜半紅日出、君  
子曰、無菴之詩、超悟如此、是豈尋常武夫所能哉、信乎善  
處富貴者矣、

元

棗陽縣志

卷二十二

耆舊

九

滕克恭字安卿其先棗陽人宋季流移於祥符之迷回村依  
富室高氏勤學好問博通經史尤精於詩仕元累官至集賢  
院直學士後避地錢塘與楊廉夫相友善詩律清婉南州人  
士多傳誦之

明

尙寯字從周少有才名登天順八年進士歷官刑部郎中熟  
諳法律國家每有大獄寯裁決如流爲同官所畏忌遂告歸  
以文酒自娛所著詩有盛唐遺音遠近多傳誦焉

王埈字良璧成化進士授行人陞監察御史巡按蘇松吳地

號難劇玢竭慮周諮巨奸宿蠹剔除幾盡宦況清苦人所不堪後以直諫廷杖死棺衾不備合臺賻之

袁盛字德昌號桐岡中景泰七年舉人由知縣遷保定府同知歷官貴州黎平府知府有善政苗民土官咸尸祝之長子傅官通判次子仕字良輔宏治六年進士由河南封邱縣知縣行取河南道監察御史巡按廣東彈劾不避權貴總持風紀丰采凜然以言事忤劉瑾矯旨廷杖左遷襄王府長史傅子廷英字光輔嘉靖四年舉人官陝西商州知州居官清正年五十卽致仕隱居紫玉山以吟咏自娛終歲不入城市三

賈陽縣志

卷二十二 耆舊

十

子偉字子俊正德時拔貢任雲南左衛知事工詩善畫下筆有奇氣屢試不第以下寮終士林惜之偉子俊如歲貢生日下十行於書無所不讀其抗直端方不愧祖武

李端字表正成化十七年進士歷官南臺御史巡視糧儲管理京營剔弊除奸性剛直屢忤權貴中貴汪直以事中之逮下詔獄幾死旋赦出爲永安經歷端處之泰然無怨尤色久之遷溫州府知府

王一鶚字雲衢嘉靖三十三年進士官至兵部尙書萬歷時門禁久弛衛軍役於中官卒伍多缺每過簡閱恆賃市兒乞

可以應刃刀紅盔日出始一人直直廬常虛將官多納月鏹於所轄凡提號走更巡城諸事皆廢一鶚甫至部卽申其禁明年詔定邊臣考績法一鶚與其議九月加太子少保十九年春遼東總兵李成梁使副將李寧襲板升於鎮夷堡獲老弱二百八十餘級師旋爲別部所遮寧先走將士數千人失亡大半巡按御史胡克儉馳疏劾寧一鶚置寧罪不議克儉大憤並詆一鶚於是鶚挂物議賴考功卽中陸光祖力雪之時經畧鄭洛與韃靼議和一鶚主之爲兵部都給事中張棟所劾一鶚不與辨遽上疏求解任是年八月卒後徙家直

棗陽縣志

卷二十二

耆舊

二

隸廣平府曲周縣

劉海字匯川宏治閒歲貢生正德七年流寇趙燧等率眾十三萬騎五千由唐縣攻掠襄隨轉攻棗陽官民恐懼欲棄城走海拔刀斷案誓以必守眾皆讐服城賴以全事平授黃巖縣縣丞

楊宏載明季諸生流寇之亂築壁塢阻水爲固以保鄉里順治初年徵求隱逸邑令柯聳薦之稱其孝友克家忠勤勵俗宜飾蒲輪之典用彰珍席之儒不就終於家子桂臣由拔貢官柳州府知府多惠政邑人嚴繩光稱之曰長往邈而不追

安排宵而無悶宏載有焉

嚴繩光字羽宜由拔貢生官江西湖西道僉事從左良玉恢復萍鄉萬載等縣甲冑行閒親冒矢石兵部李猶龍上其功順治二年大兵定江西遂棄職歸邑令柯聳謂其學擅儒宗才堪命世宦途所至惠問昭然薦之亦不起十八年往遊南嶽卒於漢陽縣訓導第紹光學署

錢積中字彥華太學生任廣西賓州判官州雜民夷風俗獷悍積中至以禮讓化導人始知學歲苦猺獞擄劫乃率州兵及家人子弟躬冒矢石勦平之擢本州知州在任十八年懇

棗陽縣志

卷二十二

耆舊

三

辭而歸州人立生祠於城南清風樓下歲時致祭焉

國朝

袁奐字蔚每號參嵐邑北雙河鎮人少穎悟好學通經史尤曉暢兵事年十五應童子試邑令管易登奇其才首拔之每語人曰使斯人生建安時亦王粲陳琳之亞也太守唐梅臣修意中亭大集名流舉觴屬作記奐援筆立就是時座客若竟陵譚元春者亦爲擱筆奐由是知名崇禎癸酉壬午兩中副車官長沙攸縣教諭流賊張獻忠陷湖南棄官僑居武昌宏光即位江南奐以國恥未雪不宜遽正尊號且江南所恃

者長江而長江又以江北爲藩籬不守江北長江亦不足恃  
乃爲監國表及長江戰守議以諷當路而時方偷安莫能用  
也順治二年察舉遺佚以奐爲江夏縣知縣泣事數載甚有  
名稱職滿當遷解組歸里開別業於東山著書以終有鹿門  
草續蟬吟二陟堂詩古文集藏於家

李蔡崇禎己卯科舉人順治四年徵求隱逸邑令柯聳薦之  
謂其粹品宏才清標峻節授鳳陽府同知以母老辭歸終養  
子其丹歲貢生任保康縣訓導教諸生有法生子六人四膺  
歲薦二食餼乾隆丁卯舉人爲柯其孫也壽八十餘終著有

棗陽縣志

卷二十二

耆舊

三

重彩堂詩集

劉佐明字公亮順治戊子拔貢補太原府經歷署懷仁縣事  
懷仁古雲中地當夷夏之衝經流寇蹂躪城郭邱墟復以驛  
路騷擾賦役殷繁民多輕去其鄉佐明至招流亡剔吏蠹均  
夫役人賴以安大吏察其勤廉擢浙江石門知縣有惠政縣  
試以呂葆中爲首鍾朗次之後呂大魁天下鍾入詞林時多  
其知人子四人鑑歲貢生鈔岸生鏞康熙乙丑科拔貢生鈺  
廩生

錢民賑順治戊子拔貢生任大同府通判地近塞外凋敝已

甚民賑佐郡守分理撫輯多所保全解組歸時兩袖清風而  
已

景陽縣志

卷二十二

老日舊

十四